

Bosna i Hercegovina
REPUBLIKA SRPSKA
OKRUŽNO JAVNO TUŽILAŠTVO U BIJEJINI
Područna kancelarija u Srebrenici
Broj: T14 1 KT 0006122 22
Datum, 26.11.2025. godine

-Potvrđena, 02.12.2025. godine-

OSNOVNOM SUDU U SREBRENICI

Na osnovu člana 43. stav 2. tačka z), člana 233. i člana 241. stav 1. Zakona o krivičnom postupku Republike Srpske, **p o d i ž e m**

O P T U Ž N I C U

PROTIV:

MALEŠEVIĆ MARKO, rođen 25.12.1995. godine u Bajinoj Bašti, (...)

ŠTO JE:

Od januara mjeseca 2022. godine pa sve do 08.08.2022. godine, u mjestu ..., opština Bratunac, iako je odredbom člana 4. stav 1) i 2) i članom 19. Zakona o sprečavanju i suzbijanju zloupotrebe opojnih droga („Službene novine BIH“ broj:8/06), *zabranjen uzgoj biljaka iz kojih se može dobiti opojna droga kao i proizvodnja i promet opojne droge i sredstava za proizvodnju opojne droge osim pod uslovima propisanim ovim Zakonom, postupio suprotno te je, iako je bio svjestan i znao da se radi o biljci iz koje se dobija opojna droga i da je njena neovlaštena proizvodnja zabranjena, a što je i htio, neovlašteno u neposrednoj blizini svoje porodične kuće, na zemljišnoj parceli obrasloj niskim rastinjem, a koju isti koristi, izvršio zasad i proizveo četiri /4/ stabljike koje potiču od biljne vrste Cananbis sative (L) Konoplje, ukupne mase od **14,8053 g, 11,4632 g, 14,0580 g i 13,6577 g**, i čiji listovi sadrže tetrahidrocannabinol (THC) kanabinol (CBN) i kanabidiol (CBD), kao i listove koje potiču od biljne vrste Cannabis sative (L) Konoplje u količini od **0,9766 g**, te svjestan da se radi o opojnoj drogi i opremi namijenjenoj za usitnjavanje i vaganje opojne droge kao i da je njeno neovlašteno držanje radi prodaje zabranjeno, a što je i htio, u svojoj porodičnoj kući radi dalje prodaje, neovlašteno držao jedan /1/ pvc paketić sa sadržajem zelene biljne materije koja potiče od biljne vrste Cannabis Sativa /L/ konoplja, u količini od **0,0640 grama**, jednu /1/ **metalnu drobilicu** ljubičast-zelene boje na kojoj je utvrđeno prisustvo tetrahidrocannabinol (THC), kanabinol (CBN) i kanabidiol (CBD) i jednu /1/ digitalnu vagu za precizno mjerenje, sive boje, nepoznate marke, a Cannabis Sative (L) Konoplja je Listom o utvrđivanju spiska opojnih droga, psihotropnih tvari i biljaka iz kojih se može dobiti opojna droga i prekursora tabela I-1 popisa opojnih droga, proglašena za opojnu drogu pod rednim brojem 13 („Službene novine BIH“ broj: 8/06).*

Dakle, neovlašteno proizvodio i radi dalje prodaje držao supstance ili preparate koji su proglašeni za opojne droge, kao i opremu namijenjenu za proizvodnju opojne droge.

Čime je, počinio krivično djelo -*Neovlaštena proizvodnja i promet opojnih droga*- iz člana 207. stav 1. u vezi stavom 5. Krivičnog zakonika Republike Srpske.

[...]

OKRUŽNI JAVNI TUŽILAC

Napomena:

„Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.“